



ԲՆԱԴԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄՆԻ ՏԱՎՈՒՇԻ
ՏԱՐԱԾՔԱՅԻՆ ԲԱԺԻՆ

Ո Ր Ո Շ ՈՒ Մ № 08/092/21-ՎՏ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

06.08.2021 թվական

քաղաք Իջևան

Բնապահպանության և ընդերքի տեսչական մարմնի Տավուշի տարածքային բաժնի պետ Դավիթ Խառապյանս, քննության առնելով Վահե Կամսարի Օթարյանի կողմից թույլ տրված վարչական իրավախախտման վերաբերյալ նյութերը՝

Պ Ա Ր Զ Ե Ց Ի

2021 թվականի հուլիսի 28-ին «Հայանտրա» ՊՈԱԿ-ի «Իջևանի անտառտնտեսություն» մասնաճյուղից ստացվել է թիվ 003263 անտառխախտման արձանագրությունը՝ ապօրինի ծառահատման վերաբերյալ: Համաձայն նշված արձանագրության՝ Իջևան քաղաքի Սպանդարյան փող. 5 շ. 5 բնակարանի բնակիչ Վահե Կամսարի Օթարյանը 2021 թվականի հուլիսի 19-ին «Հայանտրա» ՊՈԱԿ-ի «Իջևանի անտառտնտեսություն» մասնաճյուղի Իջևանի անտառպետության թիվ 6 պահարաժնի թիվ 37 քառակուսու թիվ 20 անտառամասի «Առաջի ջուր» կոչվող տարածքից ապօրինի հատել է մեկ հատ «Բոխի» և մեկ հատ «Հաճարենի» տեսակի կանգուն ծառեր, որից առաջացած փայտանյութը տնօրինվել է անտառախախտի կողմից: Արձանագրության մեջ Վ.Օթարյանը բացատրությամբ նշել է՝ «առողջական խնդիրներից ելնելով, դեղորայք գնելու և գումար չունենալու պատճառով կատարել եմ այս սխալ քայլը և հատել եմ մեկ հատ հաճարենի և մեկ հատ բոխի ծառեր»:

Կատարված թիվ 312 վնասի հաշվարկով ծառերի հատումով բնությանը/պետությանը/ պատճառվել է 82.500 ՀՀ դրամի նյութական վնաս:

ԲԸՏՄ Տավուշի տարածքային բաժնում հարուցվել է վարչական վարույթ, գործի քննությունը նշանակվել է 2021 թվականի օգոստոսի 06-ին, ժամը 11.00-ին, ինչի վերաբերյալ Վ.Օթարյանը պատշաճ ծանուցվել է, սակայն չի ներկայացել և գործի քննությունը հեղափոխվելու մասին միջնորդություն չի ներկայացրել:


Վարչական իրավախախտման գործի քննությամբ հիմնավորվել է, որ Վահե Կամսարի Օթարյանը մեկ հատ բոխի և մեկ հատ հաճարենի տեսակի թաց կանգուն ծառերը ապօրինի հատելով, ինչը առաջացրել է ծառերի աճի դադարեցման, թույլ է տրվել ՀՀ Անտառային օրենսգրքի 60-րդ հոդվածի 1-ին մասի «բ» կետով նախատեսված անտառային օրենսդրության խախտում, այն է՝ անտառային հողերում ծառերն ու թփերը հատելը և արմատախիլ անելը., որի համար նախատեսված է վարչական պատասխանատվություն՝ Վարչական իրավախախտումների վերաբերյալ Հայաստանի Հանրապետության օրենսգրքի 66-րդ հոդվածով / Անտառային հողերում, ինչպես նաև անտառային հողերի մեջ չմտնող տարածքներում ծառերը, թփերը ապօրինի հատելը կամ ոչնչացնելը, կամ հատումներն արգելված ծառերը, թփերը հատելը կամ ոչնչացնելը, պետական, համայնքային կամ այլ անձանց սեփականություն հանդիսացող բուսածածկը ոչնչացնելը կամ միևնույն աճի դադարեցման աստիճանի վնասելը/: Վ.Օթարյանի արարքը հիմնավորվել է թիվ 003263 անտառխախտման արձանագրությունով, վարչական իրավախախտման վերաբերյալ թիվ 08-084 արձանագրությունով, թիվ 312 վնասի հաշվարկով և այլ փաստական հանգամանքներով:

Ելնելով վերոգրյալից և ղեկավարվելով Հայաստանի Հանրապետության «Անտրապին օրենսգրքի» 60-րդ հոդվածի 2-րդ կետով, Վարչական իրավախախտումների վերաբերյալ օրենսգրքի 37 հոդվածի 1-ին մասով, 66-րդ, 242-րդ և 267-րդ հոդվածներով՝

Ո Ր Ո Շ Ե Ց Ի

1. Վահե Կամսարի Օթարյանի նկատմամբ նշանակել վարչական տուգանք՝ սահմանված նվազագույն աշխատավարձի հարյուրապատիկի չափով՝ 100.000 (հարյուր հազար) Հայաստանի Հանրապետության դրամ:
2. Սույն որոշումն օրինական ուժի մեջ է մտնում Վահե Կամսարի Օթարյանին հանձնելու/հանձնված լինելու/ հաջորդող օրվանից:
3. Սույն որոշումը կարող է բողոքարկվել վերադատության կարգով՝ տեսչական մարմնի ղեկավարին կամ դատական կարգով՝ Հայաստանի Հանրապետության Վարչական դատարան՝ որոշումը հանձնելու (հանձնված համարվելու) հաջորդող օրվանից հետո՝ մեկամսյա ժամկետում:
4. Որոշման օրինական ուժի մեջ մտնելու պահից մեկամսյա ժամկետում վերջինս չբողոքարկվելու դեպքում այն դառնում է անբողոքարկելի և ենթակա է հարկադիր կատարման:
5. Սույն որոշմամբ սահմանված տուգանքը վճարել Հայաստանի Հանրապետության պետական բյուջե՝ 900005024063 հաշվին:

Բաժնի պետ՝



Դ.Խառատյան

